




**BASES PARA O
XXXV CERTAME LITERARIO
DO EXCMO. CONCELLO
DE VILALBA**



www.vilalba.org

Vilalba, 2009

O Concello de Vilalba, co afán de estimular a creación poética convoca o XXXV Certame Literario.

PRIMEIRA.-

Este concurso consta de dous premios:**Primeiro premio:** 3000 euros, flor natural e diploma.

Segundo premio: 1000 euros, flor natural e diploma.

O xurado reservase a facultade de conceder os accesits (carentes de dotación económica) que estime oportunos.

As obrigacións fiscais que se deriven do premio serán responsabilidade única do autor ou autora.

SEGUNDA.-

Poderán concorrer ó certame tódos os autores que o desexen, calquera que sexa a súa nacionalidade, sempre que presenten as súas obras en lingua galega.

TERCEIRA.-

Os poemas serán orixinais e inéditos, escritos en galego, non premiados noutros concursos en datas anteriores ó fallo do Xurado. O incumprimento dalgunha destas condicións nas obras premiadas significaría a anulación das adxudicacións, procedendo o Xurado a formular de novo as propostas de adxudicación ou declarando deserto o premio.

CUARTA.-

Tanto o tema como a extensión e o metro dos traballos serán libres.

QUINTA.-

Deberán presentar 5 orixinais por cada obra en tamaño DIN A4 mecanografados a dobre espacio.

SEXTA.-

Todos os traballos han de presentarse acompañados dun sobre pechado ou plica facendo constar o lema que distinga o traballo. No interior figurarán os datos persoais, enderezo e teléfono do autor ou autora, así como unha biografía del mesmo, e unha declaración formal de que a obra é inédita.

SÉTIMA.-

Todos os traballos que concorran ó Certame Literario serán dirixidos ó Concello de Vilalba, Praza da Constitución, n.º 1 - 27800 Vilalba (Lugo), facendo constar no exterior do sobre **"Para o Certame Literario"**.

O prazo de admisión de orixinais remata o día 18/07/2009,

considerándose incluídas neste prazo as obras que enviadas por correo ostenten o selo de orixe con esta ou unha data anterior.

OITAVA.-

O dictame do Xurado darase a coñecer o día 25/08/2009, a través dos distintos medios de comunicación. As persoas premiadas deberán asistir personalmente, ou mediante representante caso de resultarles imposible a entrega de premios que efectuarase nun magno acto que terá lugar en Vilalba o día 30 de agosto, coincidindo co comezo das festas de San Ramón e Santa María 2009.

O Xurado estará composto por persoas de recoñecido prestixio no ámbito literario. A súa composición será dada a coñecer xunto coa emisión do resultado.

No caso de que as obras presentadas non acadasen o nivel esixible a xuízo do xurado para a obtención dos premios ou non tivesen a categoría suficiente, poderán declararse desertos.

NOVENA.-

O Concello de Vilalba reservase en exclusiva, o dereito de edición das obras premiadas e accesit durante o prazo máximo de 6 meses, contados dende o momento do fallo, sen pago adicional algún o da propia cantía do premio, constituindo éste a única e total remuneración, considerándose e convenindo seus autores/as a tales efectos que:

a) Ceden por tempo indefinido, sen límite territorial e para calquera dos posibles sistemas de comercialización, modalidades e soportes de edición, os dereitos de reprodución, distribución e venda das obras premiadas. Esta cesión será en exclusiva para o Concello de Vilalba.

b) O Concello de Vilalba queda facultado para a realización, por si mesmo ou mediante convenio con servizo editorial público ou privado, de cantas edicións considere oportunas, e co número de exemplares que en cada unha delas decida libremente.

c) O concello de Vilalba queda facultado para a tradución das obras premiadas a outros idiomas, cos mesmos dereitos de explotación e uso que na lingua orixinal, sempre contando co viste e prace do autor da obra.

DÉCIMA.-

As obras non premiadas serán destruídas xunto coas súas plicas, non admitíndose peticións de devolución.

DÉCIMO PRIMEIRA.-

O fallo do xurado é inapelable, os concursantes aceptan integramente estas bases así como cantas decisións adopte o Concello de Vilalba para que estas poidan ser interpretadas e aplicadas.